

Z cyklu: Òdjimczi słowã - 55

Kòsmitczicë

Ùfò je w mòji jizbie  
Mërgò czerwòno Mòrse'ã  
Tak jakbë cëchò gwizdze  
I spùszczò malinkã dròbkã

I wëlôżają z bëna  
Kòsmitczicë rozewi  
Jeden to pewno òna,  
Bò kãsk sã barzi dzëwi

Òbstãpiwają łózkò  
Przebiérają pòlcama  
A ta "òna" mie kùszkò  
Na mòkro za ùszama

Cos swiérzgòlã do siebie  
Cziwają głowò-gùczã  
Jeden we flakach grzebie  
Sã kaszëbsczégò ùczã?

Czó! Ùradzëtë stwòrë  
Zabrac do statkù pisajka  
Wzãlë tej mie i wërë  
Kùńczã pisac. Papiszka...

Tómk Fópka, Krënica-Zdrój, 3 zélnika 2022 roku, gòdz. 1.19 p.p.